

Broj: 02F-4012-10/24

Datum: 21.05.2024. godine

Na osnovu člana 88., člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 i 59/22), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku roba broj: 02F-4012-10/24 od 17.05.2024. godine, u postupku javne nabavke roba – **Mobilne barijere za zaštitu od jonizirajućeg zračenja, JN 25/24**, direktor Javne ustanove Opća bolnica „Prim. dr. Abdulah Nakaš“, donio je

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku roba, broj: 02F-4012-10/24 od 17.05.2024. godine za javnu nabavku roba : **Mobilne barijere za zaštitu od jonizirajućeg zračenja**, te se Okvirni sporazum o nabavci roba dodjeljuje ponuđaču TUZLA – FARM d.o.o. Tuzla za ukupnu cijenu ponude od 36.799,80 KM bez uračunatog PDV-a odnosno 43.055,77 KM sa uračunatim PDV-om kao jedinom i prihvatljivom ponuđaču.

Član 2.

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

Član 3.

Nakon prijema i evaluacije ponuda konstatovano je da je ponudu za predmetnu nabavku za dostavila jedan ponuđač i to: TUZLA – FARM d.o.o. Tuzla.

U skladu sa članom 3.stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69.Zakona o javnim nabavkama („Službeni glasnik BiH“ broj 39/14).

U predmetnom postupku je bila jedna nekvalifikovana ponuda ponuđača i to SABA d.o.o. Bračko.

Član 4.

Izabrani ponuđač TUZLA – FARM d.o.o. Tuzla obavezuje se da dostavi originale ili ovjerene kopije dokumentacije iz člana 45. Zakona o javnim nabavkama, obzirom da iste nije dostavio uz ponudu, u roku od pet (5) dana od prijema Odluke o izboru najpovoljnijeg ponuđača na Protokol Bolnice.

Član 5.

Prijedlog Ugovora o nabavci roba dostavit će se na potpis izabranom ponuđaču nakon isteka roka od 10 (deset) dana, računajući od dana prijema Odluke o izboru najpovoljnijeg ponuđača

Član 6.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 7.

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02F-4012-1/24 od 02.04.2024. godine.

Javna nabavka je sprovedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosi 36.800,00 KM bez uračunatog PDV-a, na dvogodišnjem nivou

Obavještenje o nabavci broj: 1125-7-1-98-3-142/24, objavljen na Portalu JN dana 17.04.2024.godine, a u Službenom glasniku BiH, br. 27/24, objavljen dana 19.04.2024.godine

Komisija za nabavku, imenovana je Rješenjem broj: 02F-4012-7/24 od 02.04.2024. godine.

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“, Zapisnik o pregledu i ocjeni ponuda broj: 02F-4012-7/24 od 17.05.2024. godine, Preporuku o izboru najpovoljnijeg ponuđača broj: 02F-4012-8/24 od 17.05.2024. godine i Izvještaj o radu broj: 02F-4012-9/24 od 17.05.2024. godine, u postupku javne nabavke roba : **Mobilne barijere za zaštitu od jonizirajućeg zračenja.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 2 ponude,
- da su blagovremeno primljene 2 ponude,
- da nije bilo neblagovremeno primljenih ponuda,
- da je ponuda ponuđača TUZLA – FARM d.o.o. Tuzla kvalifikovana i prihvatljiva.

Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:

1.SABA d.o.o. Brčko

Ponuđač SABA d.o.o. Brčko nije dostavio Izjavu ponuđača da se obavezuje obezbjediti i edukaciju osoblja ugovornog organa za rad na predmetnoj opremi, koju će navesti u svojim izjavama, a što je traženo u tački 3. POSEBNI USLOVI, pod tačkom 3, na strani 10. tenderske dokumentacije.

U skladu sa naprijed navedenim, odbacuje se ponuda ponuđača SABA d.o.o. Brčko na osnovu člana 2. tačka l) podtačka 3) Izmjena i dopuna Zakona o javnim nabavkama kao nepravilna iz razloga što nije u skladu s tenderskom dokumentacijom. („Službeni glasnik BiH“ broj 59/22).

Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:

Ponudač TUZLA – FARM d.o.o. Tuzla ispunjava sve tražene uslove u pogledu opisa predmeta nabavke i tehničke specifikacije za predmetnu nabavku.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 88., člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama („Sl. glasnik BiH“ broj: 39/14), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.


Žalba se podnosi u najmanje 3 (tri) primjerka.

Pripremila:

Amela Smajić-Džaferagić, BA općeg prava,
Službenik za javne nabavke

Kontrolisala:

Amira Petrović, BA općeg prava,
Šef odsjeka javnih nabavki



DIREKTOR
Prof.dr. Ismet Gavran

vić

Dostaviti:

- TUZLA – FARM d.o.o. Tuzla, Rudarska 71, 75000 Tuzla
- SABA d.o.o. Brčko, Bulevar mira bb, 76 100 Brčko
- Odsjek za javne nabavke
- Odsjek zaštite
- Komisiji za javne nabavke
- Odjeljenje za ekonomsko finansijske poslove